



FUNDACIÓNS DO SECTOR PÚBLICO AUTONÓMICO

IX. FUNDACIÓNS DO SECTOR PÚBLICO AUTONÓMICO

O Estatuto de Autonomía de Galicia, na alínea 26, do artigo 27, confire a Xunta de Galicia a competencia exclusiva en materia de fundacións de interese galego.

A Constitución Española, no artigo 34.I recoñece o dereito de fundación para fins de interese xeral, de conformidade coa lei.

A Lei 16/2010, de organización e funcionamento da Administración xeral e do sector público autonómico de Galicia, desenvolve o réxime xurídico da Administración xeral da Comunidade Autónoma de Galicia e das restantes entidades instrumentais do sector público autonómico, entre as que se atopan as fundacións do sector público. Neste senso, a Lei 16/2010, de organización e funcionamento da Administración xeral e do sector público autonómico de Galicia, no artigo 113 define como fundacións do sector público autonómico aquelas fundacións nas que concorra algunha das seguintes circunstancias:

- Que se constitúan, directa ou indirectamente, cunha achega maioritaria ou exclusiva da Administración xeral da Comunidade Autónoma de Galicia e/ou das entidades integrantes do sector público autonómico.
- Que o seu patrimonio fundacional, con carácter de permanencia, estea formado en máis dun 50% por bens e dereitos achegados ou cedidos polas referidas entidades.
- Que os seus ingresos proveñan maioritariamente dos orzamentos da Comunidade Autónoma sempre que, neste caso, se posúa a maioría ou se exerza control análogo sobre os seus órganos de goberno e dirección.

As fundacións presentan un orzamento en contas financeiras adaptado ao disposto no Real Decreto 776/1998, polo que se aproban as normas de adaptación do Plan xeral de contabilidade ás entidades sen fins lucrativos que segue vixente en todo o que non contradiga ao Real Decreto 1514/2007, polo que se aproba o Plan Xeral de Contabilidade Pública. Neste senso, a Resolución de 23 de xuño de 2011 da Dirección Xeral de Orzamentos ao abeiro da Orde do 30 de maio de 2011, da Consellería de Facenda, para a elaboración dos orzamentos xerais da Comunidade Autónoma para o ano 2012, establece uns formatos individualizados a partires dos modelos determinados no Plan Xeral de Contabilidade, aprobado por Real Decreto 1514/2007, do 16 de novembro, adaptados ás particularidades deste tipo de entidades sen fins de lucro, xunto cun cadro de financiamento.

Sen prexuízo do anteriormente disposto, deberase ter en conta as fundacións públicas sanitarias. A Disposición Adicional Segunda da Lei 12/2006, de fundacións de interese galego, establece que estas últimas regularanse pola súa normativa específica, é dicir, pola Lei 7/2003, de ordenación sanitaria de Galicia e polo tanto o disposto no capítulo X da Lei 12/2006, só será de aplicación supletoriamente. Nembargantes en materia orzamentaria, financeira e de control someteranse, tal e como prevé o artigo 72 na alínea 5 da Lei 7/2003 ao disposto na Lei de réxime financeiro de Galicia e polo tanto será de aplicación o disposto no parágrafo anterior.

Fundacións do sector público autonómico

	2012	
	Explotación	Capital
Fundación Instituto Galego de Oftalmoloxía	1.493	69
Fundación Pública Cidade da Cultura de Galicia	10.207	12.608
Fundación Pública Escola Galega Administración Sanitaria	2.303	21
Fundación Pública Urxencias Sanitarias Galicia 061	49.020	20
Instituto Galego de Medicina Xenómica	3.460	156
Fundación Galicia Europa	1.059	55
Fundación Impulso, Autonomía e Atención á Dependencia	892	17
Fundación Centro Galego de Artesanía e Deseño	450	540
Fundación Calidade Industrial e Desenvolvemento Tecnolóxico	13.062	11
Instituto Feiral de A Coruña	1.630	50
Fundación Centro Tecnolóxico da Carne	1.724	76
Fundación Deporte Galego	3.730	10
Fundación Illa de San Simón	335	10
Fund. Centro tecnolóxico do mar	5.863	0
Fundación Galega Formación para o Traballo	538	393
Fundación Pública Centro de Transfusión	25.444	264
Fundación Semana Verde de Galicia	1.757	0
Fundación Centro de Supercomputación Galicia	3.229	873
Fundación Exposicións e Congresos A Estrada	450	0
Fundación de Ferias e Exposicións de Lugo	922	88
Fundación Rof Codina	1.722	39
TOTAL	129.291	15.300

(Miles de Euros)